

B E L L O V A C V M.

adeo excelsos, inde agros excipiendæ sementi commodos. Nec desunt vina. Incolis, præser-tim feminis, magna sunt privilegia, à Lodovico XI Francorum Rege ipsis concessa, anno 1472, quod Carolum Burgundiæ Ducem obsidionem solvere, reque infecta abire coegerint, post quam mensem in obsidione trivisset.

Deducitur intra urbem rivos canali exce-ptus, qui eam perluit. Prope fluunt Thara & Therina. Thara autem lapideum pontem ha-bet antequam in Æsiam labatur, à quo ponte collocatis equis tractoriis efficitur, ut facilius magna onera ex Æsia accipiat, cuiusmodi sunt navigia sale onusta. Episcopatu claret, cuius Episcopi se Comites scribunt, & Pares Franciæ. Sunt in hac urbe Ecclesiæ circiter 30, ex qui-bus 13 Parochiales, & 6 collegiatæ, in quarum primaria D. Petro dicata numerantur 32 Ca-nonici. At in tota Diœcesi numerantur circiter 400 Ecclesiæ Parochiales, in novem Decanatus

distributæ, præter Abbatias, quæ sequuntur, & Prioratus quinquaginta. Qui Episcoporum hu-jus urbis catalogos contexunt, primum ponunt S. Lucianum, qui Domitiani tempore vixerit, & à Dionysio Areopagita consecratus fuerit. Exin Episcopos numerant 86, quorum agmen claudit Augustinus, Renati prædecessoris sui frater, ex Succentore Canonico, postea Annæ Reginæ Francorum Eleemosynarius. Numerat eos Belleforestius 84, eorumque ultimum Ca-rolum Borbonium.

Haud procul Belovaco est Claromontium, Cler-mont, Comitatus, jure appanagii à Rege Ludo-vico I X, qui Sanctus cognominatus, datus Ro-berto filio. Hujus filius Ludovicus cognomine Magnus, Comes Claramontanus II, à Philippo V I Valefio Francorum Rege primus Borbonii Dux factus est anno 1329: à quo deinceps Bor-boniorum stemma productum. Oppidum est arce munitum.

